

蒙兀兒史記 結一宦主人自題

紐璘速哥也罕的斤石抹按只列傳第四十七

蒙兀兒史記卷第六十五

武進屠 寄篋

紐璘失主兀歹氏

舊作班
竹帶

祖字羅帶成吉思宿衛從斡歌歹汗平金

父太荅兒從蒙格汗潛邸征阿速乞卜察兀等國有功及汗卽位拜都元帥委以征蜀之任歲壬子帥陝西西海

西海卽
青海

鞏昌諸軍與

總帥汪德臣入蜀明年立利州又明年攻碉門黎雅等城又明年戰重慶獲宋都統制張實是歲卒紐璘偉貌長身鷟勇有權略常從父軍中其善戰爲諸宿將所服歲丁巳蒙格汗命將萬人自利州略地下白水過大獲山出梁山直抵夔門戊午還師過合州欲會都元帥阿荅胡於成都宋制置使蒲擇之遣安撫劉整都統制段元珪帥師扼遂寧箭灘渡紐璘不得進大戰竟日斬馘二千七百餘級遂長驅至成都事聞賜金帛勞之蒲擇之復命其將楊大淵等守劍門及靈泉山自將重兵取成都會阿荅胡卒諸王阿不

干

合撒兒之孫
禿忽之子

與諸將脫林帶等謀曰。宋師日逼。聞我帥死。必悉衆來

攻。

我軍去行在遠。必待上命建元帥。然後迎敵。勢恐無及。不若推紐璘爲長。以司號令。出彼不意。敵可破也。衆然之。遂推行元帥事。帥衆大敗宋軍於靈泉山。追斬其將韓勇。擇之以軍退。紐璘與部將拜延八都魯進圍雲頂山城。扼敵歸路。宋統制姚德遂以衆降。城中食盡。亦殺守將。啟關送款。於是成都及彭漢懷縣等州不戰而下。軍聲所至。威茂諸番亦來附。紐璘奉金銀竹箭銀鞘刀。遣速哥獻捷。時汗南伐。行在自東勝渡河。詔卽軍中真拜紐璘都元帥。仍賜黃金五十兩。是年冬。車駕入蜀。次大獲山。敕紐璘出師遙爲聲援。東鎖重慶江。以絕吳蜀之路。時全軍才二萬。紐璘分五千人授拜延八都魯。留守成都。自將步騎萬五千人。號五萬。戰船二百艘。自成都啟行。水陸並進。遣降將張威以五百人陸行爲前鋒。攻簡州。縛橋資州口濟師。千戶暗都刺帥舟師出馬湖江。蒲擇之間之懼。命將分道要遮。遇輒敗退。紐璘至涪州。造浮橋。江上駐軍兩

岸。杜宋下游援師，聞北來大軍多感瘡癘，遣使進牛犬豕各萬頭爲餉。明年春，朝行在所，汗勞遣之，還與思播二州土司兵戰，獲其將一人。宋將呂文德以勦兵攻涪浮橋，時值暑雨，在軍士馬不耐水土，多病死。紐璘私憂之，而密旨督戰甚急，不得已縱兵與文德戰，獲其將二人，斬之。會蒙格汗宴駕合州，紐璘班師。文德來追，僅而卻之。中統元年，忽必烈汗卽位，開平阿里不哥亦稱號漠北。紐璘正觀望間，而汗使至，乃入朝，賜新虎符及黃金五十兩、白金二千五百兩、馬二匹，還鎮。遣梁載立招降黎雅碉門巖州偏林關諸蠻，得漢番二萬餘戶。未幾，詔速哥分西川兵及陝西諸軍屬紐璘鎮秦鞏唐兀之地。三年，宋將劉整以瀘州降。呂文德圍之當在前興圍瀘之後，詔以兵往援。文德走，遂徙瀘民於成都灌川。紐璘以劉整之降功不在已，且忌整漢人，受新寵逾分，事事阻撓之。整忿，憇之朝。四年，有詔逮紐璘至上都按問，久之始釋，還次昌平，卒於道。不詳其年壽，以見趙良弼傳年少

驚勇一語觀之卒年
始不足四十歲也

紐璘盛年喜立功名，輕去就。

見趙良弼傳

當阿里不哥爭立

之際。朝士本疑議及之。而其部奧魯官果有舉兵欲應渾都海者。幸爲斷事官八春發覺捕獲其黨。破其陰謀。方事之殷。宣撫廉希憲欲安反側。未深究也。忽必烈汗知之。雖一時仍加委任。而心終疑之。及是以劉整之懇。遂解其兵柄。紐璘志氣方雄。頓遭挫折。不勝其憤。抑抑以死。後追封蜀國公。謚忠武子也。速答兒智勇類其父。父卒時年尙幼。至元十一年。以功臣子入覲。忽必烈汗以屬行樞密院火都赤使習兵事。從圍嘉定。以三千人至三龜九頂山。相形勢。敗宋安撫皆萬壽兵。斬首五百級。以功賜虎符。授六翼答魯合臣。未幾。皆萬壽。遂以嘉定城及三龜九頂紫雲諸砦降。也速答兒又從西川行樞密副使忽敦帥師二萬徇東川諸城。望風款附。遂會東川行樞密合答軍圍重慶。久之。師潰。是年八月。汗以前中書丞相不花代忽敦行西川樞密院事。十五年正月。不花以兵萬餘復薄重慶。也速答兒帥二十餘騎叩城挑戰。宋都統趙安驍將也。開門應之。也速答兒與之格鬪。三入其陳。再挾猛士以出。敵衆氣

奪大軍乘之。斬首五百餘級。趙安度不支。密送款。夜啟關納北軍。

其制置使張珏跨舟遁。追至涪。禽之。捷聞。賜玉帶鈔五千貫。授西

川蒙兀軍馬六翼兼新附軍招討使。尋遷四川西道宣慰使。都元

帥。十七年。詔以四川兵會雲南湖南兵。湖南舊傳作江。形近之誤。 討羅施鬼及亦

奚不辯蠻。先遣呂告蠻安撫王阿濟。呂告似老。撫異譯。 同萬戶昝坤招羅施

鬼。昝坤萬壽之子。 其酋阿榷及阿里使部人阿麻阿懷詣宣慰司。自陳無它

志。安西王相李德輝遣人偕以入覲。唯亦奚不辯抗命也。速答兒

分兵二道攻會靈關。亦奚不辯。遣將阿侯先鏟來拒。也速答兒馳

入其軍。挾阿侯出。斬之。亦奚不辯懼。乞降。命其從子入朝。也速答

兒還軍成都。命部將藥刺海畱兵戍之。亦奚不辯窮困。二十年

籍所部五萬餘戶降。遂立亦奚不辯宣慰司。也速答兒以功拜四

川等處行中書省右丞。加賜金帛鞍轡。會獨山都掌蠻不聽招撫。

詔領軍討之。禽其酋得蘭紐。改拜四川行樞密院副使。是年冬。烏

蒙蠻陰連都掌蠻叛。以兵會雲南行院拜答兒進討。也速答兒復

禽烏蒙酋。汗賜玉帶織金服。改蒙兀軍萬戶。復賜銀鼠裘。移鎮唐

兀之地。進同知四川行樞密院事。仍居鎮鐵穆耳汗卽位。拜四川

行中書省平章政事。海山汗朝調雲南行省加左丞相。仍行平章

事。南征叛蠻。感瘴毒還成都卒。長子囊加台囊舊作南
依本紀改。四川行省平

章政事。孫荅失八都魯。四川行省左丞相。曾孫孛羅帖木兒。中書

右丞相。皆自有傳。囊加台之弟拜延。四川行省左丞。拜延弟不花

台。陝西蒙兀軍都元帥。也速荅兒之弟八刺。襲蒙兀軍都萬戶。紐

璘部將。拜延八都魯。火奪都。探馬赤。石抹按只。埒兒左方。拜延

八都魯。札刺亦兒台氏。舊省亦
兒二音。幼事成吉思。以勇敢。賜號八都魯。歲

乙未斡歌歹汗。命領其本族軍一千六百人。與塔海紺字同伐宋。

出秦鞏入蜀。有功。癸丑。蒙格汗命與總帥汪德臣立利州城。甲寅。

破宋軍於紫金山。拔鹿角寨。奪其饟械。丁巳。從都元帥紐璘城成

都雲頂山之役。拜延功多。戊午。紐璘出師於涪。以拜延宿將。命畱

守成都。降諸屬縣。得其民悉撫安之。賜黃金五十兩。衣九襲。諸王

合丹

句乃歡

疑卽古余克汗子惱忽蒙格汗卽位之初雖被禁錮後乃命其攻取邊城受辛苦者

脫脫

古余克汗弟哈刺察兒之子

等征大理

還拜延奉命領兵迎之道過新津寨與宋潘都統遇戰敗之中統二年紐璘上其功授蒙兀奧魯官

奧魯滿洲語牛衆異文漢言佐領

至元六年拜延告老

以子外貌台前卒命孫兀渾察代領其軍兀渾察後從行省也速

帶兒征諸蠻

此也速帶兒非紐璘子帶舊作蒼與紐璘子同名不詳其氏族

十六年又從大軍征叛王篤哇

黨於兀丹

舊作斡端校從西北地坿錄

竝以功受賞二十一年諸王出伯命爲游擊

軍往邏乞思合兒之地

舊作乞失哈里亦校從坿錄

遇敵二千餘騎兀渾察以驍騎

五十與戰禽其將也班胡火者以獻出伯壯之以其功聞賞銀六

百兩鈔四千五百貫授蒙兀軍萬戶賜三珠虎符三十年卒次子

某襲授曲先塔林左副元帥尋卒弟塔海忽都裏都元帥階鎮

國上將軍改授四川蒙兀軍副都萬戶至治二年乞疾子孛羅帖

木兒襲火奪都

名義福慶有異文可作忽都禿

西夏人以質子侍成吉思充唐兀禿

魯花軍百戶幹歌歹汗朝從大軍入蜀

蓋從闕端太子

蒙格汗朝都元帥紐

璘承制以爲千戶從征西川中統初渾都海叛軍敗走臨洮

舊作忽

都他傳或作火都始亦疑與叛於六盤山之渾都海爲兩人近乃知其實一辨詳按竺邇傳注

火奪都帥所部從總帥汪惟正追

討之卒子拜延襲至元九年制授拜延征行千戶佩金符明年宋

安撫使皆萬壽自嘉定襲破成都鄂僉省嚴忠範與拜延退保子

城果如舊傳云大敗之成都外城何至陷落既而從行省也速帶兒

非紐璘子

攻嘉定又從行院忽敦

取瀘敍攻重慶數有功十二年行院承制以爲東西兩川蒙兀漢

軍萬戶

蓋萬戶府之監戰督魯合臣

汪惟正之襲忠州也

汪惟正舊傳誤作總帥汪田哥

命拜延將兵二

千攻涪州策應之宋人伺惟正回以舟師要之清江

台州遂寧間之古渠水

拜

延馳援禽敵裨將李春等十七人獲其軍貲焚其戰艦十三年瀘

州復叛拜延奉行院檄帥所部趨瀘之珍珠堡敗其將王世昌掠

人畜移兵戍暗溪砦宋合州遣兵援瀘迎擊敗之遂復瀘行院不

花進軍圍重慶使拜延別將爲遊擊隊邏獲大良平李立所遣閒

諜四人鞠之得敵虛實十五年重慶遂降制授宣武將軍蒙兀漢

軍總管十九年從汪惟正入見

此時惟正爲秦蜀行省左丞分省成都舊傳此處仍誤稱總帥汪田哥

進階懷遠

大將軍管軍萬戶改賜金虎符卒子荅察兒嗣授明威將軍興元

金州萬戶府答魯合臣

探馬赤朵兒別台氏

舊作禿立不帶從塔海紺字

豁兒赤

塔海征蜀在幹歌互汗朝其時末哥未主軍

征蜀後又以兵從親王末哥

末哥舊作末赤依世系表校改

都元帥紐璘歲已未

舊紀誤作戊午

紐璘自涪還馬湖江宋人連艦絕江不得進

探馬赤帥精兵二千擊之奪舟以濟又於橫江嘉定宣化三

縣造浮橋以達成都紐璘以爲能命將千人從萬戶昔力答略地

碉門黎雅吐蕃昔力答死行院帖赤

塔塔兒

以探馬赤權萬戶領其

軍中統四年真拜蒙古漢軍萬戶至元九年從行省也速帶兒征

建都

非紐璘子是時紐璘子也速答兒尙幼後二年始入見忽必烈汗

獨以銳卒千五百與蠻兵戰於梅子嶺大敗之入夜復會速哥直擣敵營斬首數十級生禽百餘人獲其

輜重復益兵三千與行省左丞曲立吉思乘勝進擊建都勢蹙請

降乃班師又從行院汪惟正忽敦攻嘉定瀘敍重慶諸府州以功

兼崇慶府答魯合臣十九年卒子拜延襲蒙古軍萬戶

速哥蒙古人不詳其氏族父忽魯忽兒國王木合黎麾下卒也後更隸塔海帖哥爲人辯有口佩銀符奏事軍中往反未嘗失期幹

歌歹汗器之。賜名動哥居。敕動哥居奏事。朝至朝入奏。夕至夕入

奏。賜以宮女。且賚金盤龍袍。蒙格汗朝卒官速哥壯勇。歲甲寅。蒙

格汗命從鐵里哥豁兒赤等。塔塔兒氏至元中江濱左丞相必兀台之父舊傳作帖哥火魯赤伐蜀。乙卯。萬戶

劉七哥。疑是劉黑馬當時通稱阿魯刺阿力。阿力其名阿魯刺其氏世系不詳與宋師戰巴州失利。

陷敵。速哥馳入敵軍。奪之以歸。以功賜白金五十兩。馬二匹。紫羅

圈甲一注。又從都元帥紐璘敗宋將姚德。舊誤作劉整下雲頂山城。紐璘

受詔出軍涪州。後期。遣速哥至大獲山行在所。陳道梗失期之故。

汗慰遣之。未幾。復自涪奏事。遇宋軍於三曹山。速哥衆僅百餘。疾

擊敗之。己未。宋軍攻涪浮橋。裨將火尼赤陷陳。速哥力戰出之。又

以白事親王。末哥所。末哥舊作穆哥重經三曹山。復敗宋軍。還至石羊。與劉

整遇。亦未爲所遏。忽必烈汗卽位。賜白金弓刀鞍勒。中統二年。賜

銀符。命仍隸紐璘軍。至元二年。四川行省命招集降民。得三千餘

人。俾領之。三年。從行院帖赤戰九頂山。四年。行省也速帶兒署爲

本軍總管。從取瀘州。五年。立德州。元史地志。四川省無德州。有懷德府。注云。闕而所領來寧。柔遠酉陽。服四州。注云。皆關它三州。

不可考而酉陽則至今未改名
可略知懷德府地望所在矣

以爲荅魯台臣尋擢陝西五路四川行省左右

司員外郎。從也速帶兒入朝。七年。從敗宋軍於馬湖江。用平章賽典赤薦。遷行尚書省員外郎。九年。建都蠻叛。西平王奧魯赤及也速帶兒討之。速哥將千人爲先鋒。破黎州水尾砦。進克連雲關。軍至建都。戰於東山。斬其酋布庫。復與元帥八兒禿迎合刺章軍於不魯斯河。十年。討碉門諸蠻。襲破連環城。還敗宋軍於七盤山。權新軍萬戶。十一年。賜虎符。眞拜管軍萬戶。領成都高畦哥等六翼。及京兆新軍。教習水戰。也速帶兒進圍嘉定。速哥帥舟師會之。平康。築懷遠等砦。十二年。敗宋安撫昝萬壽於麻平。已而行院副樞忽敦等軍繼至。與也速帶兒會於紅崖。以上所謂也速帶兒非紐璘子遣速哥守龍壩。城中大震。宋陳都統鮮于團練帥舟師遁。速哥追擊。溺死無算。昝萬壽遂以嘉定降。速哥與中使沈答罕順流徇下紫雲瀘敍諸城。砦進薄重慶。速哥以所部鎮白水馬湖江口。十三年。忽必烈汗遣脫朮。句教化的持詔諭重慶守臣張萬。不聽。乃分兵五道。水陸進

攻諸軍皆不利。唯速哥獲戰艦三十艘，俘敵百三十人。涪州觀察使陽立子嗣榮遺書請降，詔招諭其父。速哥帥千人往察，情僞至涪，立果降。遂入其城。張萬自重慶來襲，速哥一晝夜與戰十八合，斬首三百餘級。萬奔走未幾，復以精兵三千來攻，又戰敗之。十四年行院署爲鎮守萬戶。嘉定總管府答魯合臣時瀘州復叛，速哥從萬戶禿滿答兒郝札刺不花攻克之。舊紀繫此役於十五年正月丙午，乃安西王相府奏報之年月日也。十五年正月，宋都統趙安以重慶降。制置使張玗遁，速哥追敗之，虜百餘人。及其舟二十艘東川平。論前後功，授成都水軍萬戶。尋改重慶夔府等路宣撫招討兩司答魯合臣。十六年除四川南道宣慰使。依前成都水軍萬戶。鎮守重慶夔施黔忠萬雲涪瀘等州。十九年亦奚不辭叛，置順元等路軍民宣慰司，以速哥爲宣慰使。經略諸蠻二十四年遷河東陝西等路萬戶府答魯合臣。播州宣撫楊漢英等赴闕請畱之。招降八番金竹百餘砦，得戶三萬四千。悉以其地爲郡縣，置順元路金竹府。貴州以統之。東連九溪十八洞。

南至交趾。西至雲南。咸受節制。二十九年入朝。加都元帥。改河東陝西等處萬戶府答魯合臣。三十一年僉書四川行樞密院事。詔開吐蕃道。吐蕃叛。以兵圍茂州。速哥帥師敗之。元貞元年。行院罷。速哥家居。數歲卒。子壽不赤襲河東陝西等處答魯合臣。

也罕的斤。合兒魯兀氏。舊作匣
刺魯歲己卯。成吉思親征西域。師至西遼。

故地。其祖匣答兒以幹思堅國合兒魯軍三千人迎降。

幹思堅卽西北地
地圖錄之訛跡

列舊時西遼屬國此時屬乃蠻獻馬牛羊萬計。以千戶隸四太子拖雷麾下。從渡阿梅

河西。舊傳但稱河西。讀者將誤爲西夏。然甲戌征西夏時者別已前死而傳以睿宗與折別兒並舉。故知爲阿梅河西。與者別那顏諭降呼羅

珊等處城邑。師還。又從征西夏。攻臨洮。死焉。父密里火者。從幹歌

瓦汗平金。又從蒙格汗攻蜀。歲己未。汗宴駕合州行在。王大臣奉

梓宮北還。畱密里火者爲萬戶府答魯合臣。戍成都。以備宋。忽必

烈汗卽位。先朝大將渾都海舉兵六盤山。私約戍蜀諸將同應阿

里不哥。密里火者持兩端。時廉希憲爲京兆宣撫使。矯詔遣都萬

戶劉黑馬往出。不意劫殺之事後。其家訟希憲擅殺。忽必烈汗閔

匣答兒死王事密里火者謀反無顯狀以嫌疑受誅中統二年命也罕的斤襲千戶領父軍然亦不臯希憲也罕的斤既領軍西川數有戰功迭下五花石城白馬等砦至元七年宋將皆萬壽潛師襲陷成都嚴忠範退保子城也罕的斤以四百人與之相持凡四日宋兵退也罕的斤追敗諸眉州以功拜蒙兀合兒魯河西漢軍萬戶就命戍眉從行省圍嘉定與速哥同築懷遠砦扼其要害屢卻宋兵十二年入朝賜對衣束帶白金百兩加昭勇大將軍上萬戶益將萬人會東川行院軍圍重慶盡督馬湖江兩岸水陸軍馬既而兩行院將帥不和圍城師潰瀘亦反爲宋十四年從圍瀘也罕的斤以所部攻神臂門先登拔之十五年復從西川行院不花攻重慶屯佛圖關屢戰有功移屯堡子頭重慶守將趙安開門降也罕的斤更帥所部略地思州降土司田景賢等進階昭毅大將軍授嘉定軍民萬戶西川諸蠻夷宣撫司答魯合臣增新附戶萬餘尋進奉國上將軍四川西道宣慰使都元帥舊脫西道二字十七年調其

軍北征叛王篤哇黨於兀丹

舊作斡端校從西北地

師還改拜雲南行省參知政事

二十一年與右丞太卜諸王相吾答兒分道征緬造舟二百

艘於阿昔阿禾兩江進拔江頭城命都元帥袁世安將所部留戍

之且圖其地形以獻當江頭城之破也遣黑的兒楊林等諭緬使降不報羣蠻蟻聚建都太公城謀抗官軍以緬人信佛復遣一僧

往諭以禍福反爲所殺遂督兵水陸竝進擊破之於是建都金齒

等十二城悉下命都元帥合帶萬戶兀都蠻等

元舊誤作不

以兵五千戍之二十八年改拜四川行樞密院副使既而改陝西行中書省右

丞大德閒告老卽家西安至大初海山汗以也罕的斤先朝舊臣

特命爲陝西行中書省議事平章

蓋食右丞奉不署事范文虎李庭玉竝受此等優遇

卒子二火尼

赤的斤雲南都元帥也速沙蒙兀軍萬戶

曰只兒塔塔兒歹氏

舊作答答帶至元七年從敗宋軍馬湖江

所從者非行省也速帶兒卽也罕的斤其官疑是百戶

九年從征建都十一年從戰夾江又從下瀘敍諸州進圍重慶敗

宋將張萬瀘州複叛旦只兒將所部據紅米灣敗宋兵進至安樂

山。又敗之。獲戰艦四。宋人要我糧運。擊走之。遂破石槃寨。十四年。

從諸軍進拔瀘州。聞張萬出兵重慶。援合州。且只兒以銳卒千人

要擊之龍坎。萬引卻。積功佩銀符。管軍千戶。蓋隸也罕的十七年。從也

罕的斤征兀丹。還以所部屯田甘州。換金符。陞總管。十九年。從諸

王合班一作合信元帥忙古帶再征兀丹。與叛王兀盧等戰。

劉恩傳之玉倫亦撒
即兀盧元盧爲玉倫

之異譌舊作元
盧形近之誤勝之。明年。海都遣其黨八巴大王以三萬人來援。

八巴王
闖堅太

孫子之諸軍潰。且只兒獨破其衆五百。拔亡卒二千餘以出。進副萬戶。

還戍長寧軍。宋好止察以兵來襲擊走之。二十六年。換佩虎符。拜

信武將軍。平陽等路萬戶府答魯合臣。卒。子建都不花襲

石抹按。只契丹人。世居太原。父大家奴。帥漢軍五百人歸成吉思。

歲戊午。按只代領其軍。從都元帥紐璘攻成都。別將所部敗宋軍

於靈泉。斬其都統韓勇。又從都元帥按敦攻瀘。領戰艦七十艘至

馬湖江。似當時嘉定敍州以下至瀘州之江均稱馬湖江與今異宋人先以五百艘扼江渡。按只擊敗之。

時沿江橋梁爲宋所徹。按只相地形。造浮橋濟師。宋欲撓其役兵。